

КОМИ РЕСПУБЛИКАСА КОМИ КЫВ КОМИССИЯЛӨН

2011 вося лөддза-номъя төлысь 17 лун

25 №-а

СЁРНИГИЖӨД

Волісны: Марков В.П., Цыпанов Е.А., Козулина С.Г., Карманова А.Н.,
Безносикова Л.М., Коснырева Е.Г., Макарова Н.Д.

Видлалісны да сөгласуйтісны:

1. Заявкалысь вуджөдөмсө:

Ижемский районный союз потребительских обществ	Ньобасьысь-вузасьысь котырьяслөн Изьва районса өтув
«Ижемский Райпотребсоюз»	«Изьваса Райпотребсоюз»
Потребительское общество «КООПЕРАТОР»	«КООПЕРАТОР» ньобасьысь-вузасьысь котыр
с.Ижма, ул.Советская, 39	Изьва с., Сөветскöй ул., 39

2. Видлалісны да сөгласуйтісны Коми Республикаса Оланподувлысь 53-62 статьяяс:

53 статья

Лёк вөчөмысь быд мыждана морт лоö мыжтөм сэтчөдз, кытчөдз сылысь мыжсö оз ло подулалöма федеральнöй оланпасын индöм ногөн да урчитöма оланпас серти вынсялөм ёрдшуөмөн.

Мыждана мортлы абу быть эскөдны ассьыс мыжтөмлунсö.

Мортöс мыждігөн кө эм бырөдны позьтөм падьялөм, сійö бергөдчö мыжданалы бур вылө.

54 статья

Некодöс оз позь мөдысь ёрдны öти и сійö жö мыжысь.

Ёрдігөн оз позь вөдитчыны федеральнöй оланпас торкалөмөн судзөдөм эскөданторьясөн.

Быд мыждөмалөн эм инөд корны выльысь видлавны ёрдшуөмсö вылынджык ёрдын федеральной оланпасөн урчитөм ногөн, а сідзжө эм инөд корны сійөс мылыштны либө кокньөдны накажитөмсö.

55 статья

Некодлы абу быть висьтасыны аслыс, гөтырыслы либө верөсыслы да матысса рөдвужыслы паныд, кодьясөс стөчмөдөма федеральной оланпасөн.

Федеральной оланпас вермас и мукөд ногөн мездыны быть висьтасыөмысь.

56 статья

Инөдьяссö йөзлысь, кодьяслы вөчөма лектор да власьтсыань омөльтор, видзө оланпас.

Канму сетө позянлун налы шыөдчыны ёрдө да босьтны вөчөм лекторсьыс вештысьөм.

57 статья

Быдөнлөн эм инөд босьтны канмусянь вештысьөм сійө лекторсьыс, кодөс вөчөма оланпас торкаломөн (либө могьясысь эновтчөмөн) каналан власьт органьясөн либө сэтысь чина йөзөн.

58 статья

Оланпас, коді урчитө либө чорзьөдө кывкутөм, кольөм кадыслы оз инмы.

Некод оз кывкут вөчөмторйысь, вөчигас кө сійөс эз лыддыны инөд торкөмөн. Инөд торкөм бөрын кө сыысь кывкутөмсö бырөдөма либө кокньөдөма, сэки вөдитчөны выль оланпасөн.

59 статья

(2001.10.12 лунся 45-РЗ №-а КР Оланпаслөн редакцияын)

Коми Республика сулалө аслас олысьяс дор, кор найө кутшөмкө кадколастө олөны республикаысь бокин.

60 статья

Тайө юрпасса гижөдьясыс артмөдөны мортлөн инөда статуслысь подувсö да найөс позьö вежны сөмын тайө Оланподулөн урчитөм ногөн.

3 юрпас. КОМИ РЕСПУБЛИКАЛӨН КАНАЛАН СТАТУС, АДМИНИСТРАТИВНӨЙ ДА МУТАС ТЭЧАСНОГ

61 статья

Коми Республикалысь – Россия Федерацияö пырысь канмулысь – статуссö индöма Коми Республикаса Оланподулöн да Россия Федерацияса Оланподулöн.

Коми Республикалысь статуссö позьö вежны федеральнöй оланподула оланпас серти Россия Федерация да Коми Республика костын сёрнитчöмön.
(мöд юкöныс 2001.10.12 лунся 45-РЗ №-а КР Оланпаслöн редакцияын)

62 статья

Коми Республика ас мутасын кутö канмулысь став власьтсö Россия Федерациялöн веськöдланторьясö да Россия Федерациялöн да Россия Федерацияса субъектьяслöн öтувья веськöдланторьясö сийö уджмогьясысь öтдор, кодьясöс пыртöма Россия Федерациялöн веськöдлöм улö сетöм.

(2000.10.17 лунся 61-РЗ №-а КР Оланпаслöн редакцияын)

Россия Федерацияса канму власьт органьяс да Коми Республикаса канму власьт органьяс костын веськöдланторьясö да уджмогьясö юкöны Россия Федерацияса Оланподув серти, федеральнöй оланпасьяс серти, веськöдланторьяс да уджмогьяс юклöм йылысь Федеративнöй да мукöд сёрнитчöм серти.

(мöд юкöныс 2000.10.17 лунся 61-РЗ №-а КР Оланпаслöн редакцияын)

Коми Республика ачыс лöсьöдö войтыркостса да экономикаын ортсыса йитöдьяс, Россия Федерацияса мукöд республикакöд, дормукöд, обласьткöд, асвеськöдлан обласьткöд, асвеськöдлан кытшкöд сёрнитчöмьяс, найö кө оз мунны Россия Федерацияса Оланподувлы паныд.

63 статья

Россия Федерациялöн веськöдлöм улын:

(2000.10.17 лунся 61-РЗ №-а КР Оланпаслöн редакцияын)

а) вынсьöдны да вежлавны Россия Федерациялысь Оланподув да федеральнöй оланпасьяс, видзöдны найöс збыльмöдöм бöрся;

б) Россия Федерациялöн федеративнöй тэчасног да мутас;

в) ладмöдны да дорйыны мортлысь да гражданинлысь инöдьяс да вöля; Россия Федерацияса гражданство; ладмöдны да дорйыны этша лыда войтырсикасыяслысь инöдьяс;

г) лöсьöдны оланпас пыртысь, олöмö пöртысь да ёрд власьтлöн федеральнöй органьяслысь тэчас, найöс котыртанног да налысь уджаланног; артмöдны канму власьтлысь федеральнöй органьяс;

д) федеральнöй канму эмбур да сыön веськöдлöм;

е) лöсьöдны Россия Федерациялöн канму, экономическöй, экологическöй, социальнöй, культурнöй да национальнöй сöвмöдан юкöнын федеральнöй политикалысь подувьяс да федеральнöй уджтасьяс;

ж) лöсьöдны öтувья рыноклысь инöда подувьяс; сьöмön, валютаön, кредитön, канкерка уджön веськöдлöм, сьöм лэдзöм, дон политика подув; федеральнöй экономика службаяс, тшöтш федеральнöй банкьяс;

з) федеральной съёмки; федеральной вот да октас; динму совмодан федеральной фондьяс;

и) федеральной энергетика тэчасьяс, ядерной энергетика, юксян материальяс; федеральной транспорт, туйяс, юörtöm да йитöd; ентыкола удж;

Комиссияөн веськөдлысь

В.П.Марков

Комиссияса веськөдлысьöс вежысь

С.Г.Козулина

Кывкутысь секретар

Е.Г.Коснырева